



Халқ сўзи

Ўзбекистон —
келажаги
буюк
давлат

2026 йил — МАҲАЛЛАНИ РИВОЖЛАНТИРИШ ВА ЖАМИЯТНИ ЮКСАЛТИРИШ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2026 йил 1 июль, № 132 (9303)

Чоршанба

Сайтимизга ўтиш учун QR-кодни телефонингиз орқали сканер қилинг.



ЯНГИ ЎЗБЕКИСТОН БУНЁДКОРЛАРИ

Мамлакатимизда 30 июнь — Ёшлар куни кенг нишонланди



Сана муносабати билан Тошкентдаги Олимпия шаҳарчасида ўтказилган тадбирда Президентимиз Шавкат Мирзиёев иштирок этди. Давлатимиз раҳбари дастлаб ёшлар-

нинг турли соҳаларда қўлга киритаётган ютуқлари, илмий изланишлари натижалари, инновацион ғоя ва ишланмалари, ихтиролари намойиш этилган кўргазма билан танишди. Уларнинг му-

аллифлари, ташаббускорлари билан мулоқот қилди.

Фарғона туманидаги Обод маҳалласи ёшлар етакчиси Исролбек Мухаммаджонов ўз маҳалласида таш-

кил этган “Обод таълим” ўқув маркази орқали 600 нафар тенгдошини замонавий касблар ва хорижий тилларга ўқитган. Шу орқали маҳалланинг ёшлар ишсизлиги ва жиноятчилигидан

холи худудга айланишига катта ҳисса қўшган.

“Яшил ташаббуслар” жамғармаси координатори, “Green University” магистранти Гулираъно Мамированинг эко-

логик-ижтимоий ва “яшил” инновациялар стартапларини йўлга қўйиш бора-сидаги ишлари давлатимиз раҳбарининг алоҳида эътиборини тортди.

Рангтасвир танловида “Энг оригинал ғоя” номинацияси ғолиби Одинахон Маъмуржонованинг ижодий интилишлари, жисмоний имконияти чекланганига қарамай уйда таълим олаётган болалар учун “Ўқи ва юксал” лойиҳасини амалга ошириб келаётган Чинора Фуломованинг матонати Президентимиз томонидан юқори баҳоланди. Уларнинг жамиятдаги инклюзив муҳитни мустаҳкамлашга қаратилган ташаббусларини тизимли қўллаб-қувватлаш юзасидан мутасаддиларга топшириқлар берилди.

Кўргазманинг стартаплар, тадбиркорлик ва касб-хунар майдонида ёшларимизнинг халқаро миқёсда рақобатлаша оладиган интеллектуал салоҳияти намойиш этилди.

Президент мактаби битирувчиси, Чикаго университети талабаси Асилбек Ашуров ўн саккиз ёшида “Make AI” стартапини таъсис этиб, сунъий интеллектга асосланган SAT/AP тестларига тайёргарлик платформасини яратди. У бугунги кунда стартапи AQSH ҳамда Яқин Шарқ ва Шимолий Африка минтақасида 100 мингдан ортиқ мижоз ва инвесторлардан 380 минг доллар сармоя жалб этгани, лойиҳа қиймати 3 миллион долларга баҳоланганини маълум қилди.

Президентимиз бу каби юқори технологияли лойиҳаларни мамлакатимизда кенг жорий этиш ва ёш тадбиркорларга хорижий бозорларга чиқишда қўллаб-қувватлаш давлат сиёсатининг устувор йўналиши бўлиб қолишини таъкидлади.



Ўзбекистон Республикаси Президенти
Матбуот хизмати сурати.

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ЁШЛАР КУНИГА БАҒИШЛАНГАН ТАНТАНАЛИ МАРОСИМДАГИ НУТҚИ

Азиз ёшлар!

Қадрли ўғил-қизларим!

Сизлар билан ислохотларимизнинг илк давридан бошлаб шаклланган яхши анъанамизга кўра, бугун — Ёшлар кунидан яна бир бор учрашиб турганимдан мамнунман.

Фурсатдан фойдаланиб, барчангизни, сизлар орқали бутун юртимиз ёшларини ушбу кутлуг байрам билан чин қалбимдан самимий табриклайман.

Хурматли анжуман иштирокчилари!

Биз ёшларни қўллаб-қувватлаш, уларнинг орзу ва интилишларини рўйбга чиқаришни ислохотларимизнинг дастлабки кунларидан давлат сиёсатининг энг устувор йўналишларидан бири сифатида амалга ошириб келмоқдамиз. Шу мақсадда ҳар бир маҳаллада ўғил-қизларимизнинг ташаббусларини қўллаб-қувватлаб, уларга қўмақчи бўладиган ёшлар етакчилари корпусини шакллантирдик.

Ёшларнинг таълим-тарбияси, бандлиги, маънавияти, вақтини мазмунли ўтказишига Давлат хавфсизлик хизматини (Б. Қурбонов) вилоят ва туманлардаги тизими билан бирга масъул этиб белгиладик.

Навқирон авлодни Ватанга муҳаббат, миллий қадриятларга садоқат, катталарга хур-

мат ва эзгу инсоний фазилатлар руҳида тарбиялаш мақсадида нуроний отахон ва онахонларимизнинг бой ҳаётий тажрибасидан фойдаланишни кенг йўлга қўйдик.

Мамлакатимизда ҳар ҳафтанинг пайшанба кунини Ёшлар куни деб эълон қилиб, барча вазирлик ва идораларни ёшлар муаммоларини ўрганиш ва уларга ечим топиш масаласига тўлиқ сафарбар этдик.

Мана шундай сайё-ҳаракатларимиз туфайли юртимизда ёшлар билан ишлаш муҳити тубдан ўзгарди. Хусусан, билим олиш, касб-хунар эгаллаш, тил ўрганиш, иш топиш ва бизнесни бошлашда қийинчиликка учраган 1,5 миллион нафар йигит-қизнинг муаммоларини 3,5 миллион нафарга етди; иқтидорли ўқувчи ва талабаларимиз нуфузли фан олимпиадаларида 434 та, ёш спортчиларимиз халқаро мусобақаларда 2 минг 245 та

медални қўлга киритди; тарбияси оғир ёшларни ҳуқуқ-тартибот идоралари ва ҳокимларга бириктирганимиз учун икки йилда ёшлар ўртасида жиноятчилик 2,5 карра камайди.

Албатта, бу — ёшлар билан боғлиқ барча масалалар ҳал бўлди дегани эмас. Давлат хавфсизлик хизмати (Б. Қурбонов), Ёшлар ишлари агентлиги (А. Саъдуллаев), Маҳаллалар уюшмаси (Қ. Қуронбоев), вазирлар, уларнинг вилоят ва туманлардаги тизими, ҳокимлар, ректорлар, техникум ва мактаб директорлари ёшларнинг муаммолари, уларнинг эҳтиёж ва қизиқишлари бўйича тинимсиз ишлаши керак.

Бош вазир А. Арипов ҳар бир вазир, ҳоким, тармок ва банк раҳбари ёшлар масаласида қандай ишлаётганини қаттиқ назорат қилиб, ҳар ойда масъуллардан бу борада ҳисобот олиб боради.

Ўтган ҳафта Наманганга амалга оширган таширими давомида Давлат хавфсизлик хизмати вилоят бошқармаси раҳбари Абдурауф Жуманов энг оғир маҳаллаларда ёшлар муаммолари бўйича таҳлил маркази, “Бир ой — тўртта маҳалла” лойиҳаси, “маҳалла усто-зи” тизими ва техникумларни оталиққа олиш

ҳақидаги ўз ташаббуслари тўғрисида ахборот берди.

Бу ташаббуслар менга жуда маъқул. Энди ҳар бир вилоят давлат хавфсизлик хизмати бошқармаси раҳбари, шаҳар ва туман ҳокимлари ёшлар билан ишлаш бўйича ўзларининг ана шундай тажрибаларини яратиши зарур.

Яхши натижаларга эришган раҳбарларга йил якунида ва келгуси йил Ёшлар куни арафасида ойлик маошига алоҳида устама ва давлат мукофотлари берамиз. Кўрсаткичлари паст, янгиликка интилмаган худуд раҳбарларига нисбатан эса қаттиқ чора қўрилади.

Азиз фарзандларим!

Бир ҳақиқатни билиб олинглар, бугунги кунда давлатлар ҳудуди билан эмас — билими билан, аҳоли сони билан эмас — технологияси билан, табиий бойликлари билан эмас — инсон капитали билан рақобатга киришмоқда.

Энди замонавий илм-фан ва тафаккур маҳсули бўлган янги иқтисодиёт — билимлар иқтисодиёти ҳал қилувчи кучга айланиб бормоқда.

Мен биламан, ўғил-қизларимизнинг ҳар бирида катта салоҳият, истеъдод ва иқти-

дор бор. Сизлар ўз даврида буюк кашфиётлари билан дунё цивилизациясига улкан ҳисса қўшган, Биринчи ва Иккинчи Ренессанснинг “ақл чироғи” бўлган буюк аждодларимизнинг муносиб ворисларисиз.

Албатта, ворислик — бу фақат фахрланиш эмас, балки улкан масъулият ҳамдир.

Аждодларимиз инсоният тараққиёти йўлида қандай буюк ишларни амалга оширган бўлса, сизлар Янги Ўзбекистонда янги Ўйғониш даври — Учинчи Ренессанс пойдеворини яратадиган куч бўлишингиз керак.

Хурматли анжуман иштирокчилари! Бугунги кунда ўзининг билими, истеъдоди, ташаббускорлиги ва фидойилиги билан Янги Ўзбекистон равнақига муносиб ҳисса қўшиб келаётган ёшларимиз сафи тобора кенгайиб бораётгани барчамизни хурсанд қилади.

Кеча мана шундай ўғил-қизларимизнинг 20 нафарини “Келажак бунёдкори” медали билан, яна 28 нафарини “Мард ўғлон” давлат мукофоти билан тақдирлаш ҳақидаги фармонни имзоладим. Ҳозир аввал мукофотларни эгаларига топшириб, кейин мулоқотни давом эттирсак.

(Давоми 2-бетда).



Сурур

БУ ВАТАН АЗИМ БОҒДИР, ЭРТАСИДАН КҮНГИЛ ТҮҚ

Каттами, кичик боғнинг боғбони бўлсин экан,
Майсодан дарахтгача меҳридан тўйсин экан,
Ниҳоллари буй чўзиб қулочини ёйганда,
Саховатли бағрига бошини қўйсин экан.

Эртаю кеч бу яшил олам яшинай ахир,
Табиятнинг қўйнида мисли ноёб жавоҳир,
Ардоқлағай ҳар бирин кўзин қорачуғидай,
Борлигини баҳиш этиб юракдан сўйсин экан.

Асрлар сурунини бу замин энгиб келган,
Бир гулишанки қатрада эзулик сингиб кетган,
Чехралари очилган навиҳоллар гурқураб,
Сафлари ошиб-тошиб бу чаман тўйсин экан.

Водийлар ҳар қаричи боболар кафтидек пок,
Ҳар зарраси дунёда топилмас зардек тупроқ,
Бунда Амир Темурнинг юрак тафти, шашти бор,
Борбонидан фидолик дарсини олсин экан.

Орзулар қанот берса, бу элнинг юрагига,
Минглаган ўғил-қизнинг мақсади, тилагига,

Улар сафида бўлиб ҳамиша мардонавор,
Келажак сари дадил йўللardan борсин экан.

Ким Ватан номи билан юксакка қўйди нарвон,
Халқни масрур айлади, эртасини чарогон,
Илму фанда, спортда жаҳонни лол айлаган
Шундай фарзандлар учун яшасин, қулсин экан.

Дегайман, бу йўللarda говлар сизни кутмоқда,
Дили сиёҳ, ул разил ёлар сизни кутмоқда,
Улуғлар руҳи сизга ишонч берсин туганмас,
Шунда бушманлар кўнгли ҳасаддан қуйсин экан.

Интилиш, ҳалол меҳнат сизга ёрқин ҳамиша,
Ўрнингиз юксакларда, билинг, бордир ҳамиша,
Ошинг кўп довоилардан, етинг ҳар бир орзуға,
Сизга боққанлар четда ҳангу манг қолсин экан.

Бу Ватан азим боғдир, эртасидан кўнгиЛ тўқ,
Ниҳолларида ёнар мудом ишонч отлиғ чўғ,
Ниҳоллари буй чўзиб қулочини ёйганда,
Азиз боғбон бағрига бошини қўйсин экан!

Ўткир РАҲМАТ.

АҲОЛИ Сони 129 йилда қарийб 10 баробар кўпайди

Аҳоли ва қишлоқ хўжалигини рўйхатга олиш тадбирининг дастлабки натижаларига кўра, Ўзбекистон аҳолиси сони **39 047 321** нафарни ташкил этди.



Аҳоли сони динамикаси:

1897 йил — 3 910,6 минг нафар;	1970 йил — 11 799,4 минг нафар;
1926 йил — 5 272,8 минг нафар;	1979 йил — 15 390,8 минг нафар;
1939 йил — 6 271,3 минг нафар;	1989 йил — 19 905,2 минг нафар;
1959 йил — 8 105,6 минг нафар;	2026 йил — 39 047,3 минг нафар.

Маълумотларга кўра, мамлакат нуфуси 1989 йилдаги рўйхатга олиш натижаларига нисбатан қарийб 2 баробар, 1897 йилдагига нисбатан эса қарийб 10 баробар кўпайган.

